

杜氏通典

第二函
第八冊

通典卷一百五十九

唐 京 兆 杜 佑 君 卿 纂

兵十二

孫子曰地形者兵之助故用兵有散地有輕地有交地有衢地有重地有圯地有圍地有死地凡計

侯自戰其地為散地戰其境內之地士卒意不專有潰散之心故曰散地入人之地而不深者為輕地入人之地未深意尚未專輕走謂之輕地我得則利彼得

亦利者為爭地謂山水兩敵所爭有險固之利兩敵所爭我可以往彼可以來者為交地交地者數道往來無絕諸侯之地三屬我與敵相當先

至而得天下之眾者為衢地先至其地交結諸侯之眾為助也入人之地深倍城邑多難以返者為重地難返還也背去也背與

已城郭深入敵地已城郭深入敵地心專意一謂之重地也行山林險阻沮澤凡難行之道者為圯地圯地少固也沮洳美反之所由入者隘所從歸者迂彼寡可

以擊吾眾者為圍地所從入險歸道遠也持久則糧乏故散地則無戰士卒顧家輕地則無止志未堅不爭地則無攻三道攻當

乏絕故為死地死地者當及士卒飽強志殊死戰故可以俱死也是故散地則無戰士卒顧家輕地則無止志未堅不爭地則無攻三道攻當

地者不交地則無相絕相及屬也俱可進衢地則合交諸侯重地則掠蓄積糧食入深土卒圯地則行無稽留

圍地則謀謀發奇謀也則當權死地則戰戰殊死是故散地吾將一其志輕地吾將使其屬道使相仍也輕地還師當安

虞爭地吾將趣其後勝利地在前當進其後爭地先據者交地吾將固其結諸侯衢地吾將謹其市之衢地四通交易

端也方與諸侯結和當謹約使勿殆使諸侯爭之重地吾將繼其食將掠彼也深入當圯地吾將進其塗疾行無留圍地吾將塞其闕以

士心也塞其闕死地吾將示之以不活勵士也焚輜重棄糧食塞井又有通有掛有支有隘有險有遠此六地名教

民居之得便我可以往彼可以來曰通謂俱在平陸往來通利也居通地先據其地居高陽利糧道以戰則利盛致於人無致

利則勝也

分爲屯守於歸來之可以往難以返曰掛地掛相掛掛形曰敵無備出而勝之敵有備出而不勝難以返不利無敵

路無使敵絕糧道也備而攻之勝可也有備我出而不利彼出而不利曰支支久也俱不支形曰敵雖利我無出也引而去之令

不得勝之則難還返也利我也我出而不利彼出而不利曰支便久相持也支形曰敵雖利我無出也引而去之令

敵半出而擊之利逐待其引而擊之可敗也隘形曰我先居之必盈之以待敵欲盈滿也以兵陣滿隘形若敵半居

之盈而勿從不盈而從之出奇也敵即先居此地齊口陣勿從也即半隘陣者從而與敵共爭此地地利也險形

曰我先居之必居高陽以待敵從其下陰之地待敵人若敵先居則引而去之勿從也雖險先據不夫遠形均

勢難以挑戰戰而不利挑迎敵也遠形去國遠也地均凡此六者地之道也將之至任不可不察也故曰深草蓊

穢者所以遁逃也深谷阻險者所以止禦車騎也李靖曰此車隘塞山林者所以少擊衆也衆少可以沛澤杳冥

者所以匿其形也是以塗有所不由爲變也道雖近而中不利則不由也故軍有所不擊軍雖可擊以地險難人

薄也窮困之卒隘陷之軍不可攻爲死戰也當利守之以待隙也地有所不爭也昔與上同曹公曰操所以置華費而得入徐凡地有絕澗遇

天井天牢天羅天陷天郤必亟去之勿近也山水深大者爲絕澗四方高中央下者爲天井深大澤葭葦蒙龍

山澗迫狹地形深數尺長數丈或邱陵坑坎地形壅壅爲天郤也吾遠之敵近之吾迎之敵背之用兵常遠六害令敵近之背則不知山林險阻

沮澤之形者不能行軍高石崇者爲山衆樹所聚爲林堆者爲險一高一下者爲阻水草坑壑者爲沮

按地形知勝負

周書陰符太公曰步貴知變動車貴知地形騎貴知別徑奇進故三軍同名異用可往而無以還者車之死地越

險絕阻乘敵遠行者車之竭地前易後險車之困地容車賁阻出而無返者車之患地左險右易上陵仰坂車之

逆地深壑黏土車之勞地隱帶橫敵犯歷深澤者車之壤地日夜霖雨旬月不止泥淖難前車之陷地凡騎以陷

敵而不能破敵敵人佯走以步騎反擊我後此騎之敗地也追背踰限長驅不止敵伏我兩傍又絕我後此騎之困地也往無以返入無以出陷於天井填於地牢此騎之死地也所由入者隘所由去者遠彼弱可以擊我強少可以擊我衆此騎之沒地大淵深谷薊穢林草此騎之竭地左右有水前有高阜後有高山戰於兩水之間乘敵過邑是謂表裏相合左有深溝右有峭坑高下與地平觀之廣易進退相敵此並騎之陷地汙下沮溺進退漸洳者騎之患地拙將之所以見擒明將之所務避也 周末吳子問孫武曰吾至輕地始入敵境士卒思還難進易退未背險阻三軍恐懼大將欲進士卒欲退上下異心而敵盛守修其城壘整其軍騎或當吾前或擊吾後則如之何武曰軍在輕地士卒未專以入爲務無以戰爲故無近其名城無由其通路設疑佯惑示若將去乃選驍騎銜枚先入掠其牛馬六畜三軍見得進乃不懼分吾良卒密有所伏敵人若來擊之勿疑若其不至捨之而去又問曰爭地敵先至據要保利簡兵練卒或出或守以備我騎則如之何武曰爭地之法讓之者得求之者失敵得其處慎勿攻之引而佯走建旗鳴鼓趣其所愛曳柴揚塵惑其耳目分吾良卒密有所伏敵必出救人欲我與人棄吾取此爭先之道若我先至而敵用此術則選我銳卒固守其所輕兵追之分伏險阻敵人還鬪伏兵旁起此全勝之道也又問曰交地吾將絕敵令不得來必全吾邊城修其所備深絕通道固其阨塞若不先鬪敵人已備彼可得來而吾不可往衆寡又均則如之何武曰旣吾不可以往彼可以來吾分卒匿之守而勿怠示其不能敵人且至設伏隱廬出其不意也又問曰衢地必先吾道遠發後雖馳車驟馬至不能先則如之何武曰諸侯參屬其道四通我與敵相當而傍有國所謂先者必重幣輕使約和傍國交親結恩兵雖後至衆以屬矣簡兵練卒阻利而處親吾軍士實吾資糧令吾車騎出入瞻候我有衆助彼失其黨諸國犄角震鼓齊攻敵人驚恐莫知所當

又問曰我引兵深入重地多所踰越糧道絕塞設欲歸還勢不可過欲食於敵持兵不失則如之何武曰凡居重地士卒輕勇轉輸不通則掠以繼食下得粟帛皆貢於上多者有賞士無歸意若欲還出切爲戒備深溝高壘示敵且久敵疑通途私除要害之道乃令輕車銜枚而行塵埃氣揚以牛馬爲餌敵人若出鳴鼓隨之陰伏吾士與之中期內外相應其敗可知又問曰吾入圯地山川險阻難從之道行久卒勞敵在吾前而伏吾後營居吾左而守我右良車驍騎要吾隘道則如之何武曰先進輕車去軍十里與敵相候接期險阻或分而左或分而右大將四觀擇空而取皆會中道倦而乃止又問曰吾入圍地前有強敵後有險難敵絕糧道利我走勢敵鼓譟不進以觀吾能則如之何武曰圍地之宜必塞其闕示無所往則以軍爲家萬人同心三軍齊力并炊數日無見火煙故爲毀亂寡弱之形敵人見我備之必輕告勵士卒令其奮怒陳伏良卒左右險阻擊鼓而出敵人若當疾擊務突前關後拓左右犄角又問曰敵在吾圍伏而深謀示我以利縈我以旗紛紛若亂不知所之奈何武曰千人操旂分塞要道輕兵進挑陣而勿搏交而勿去此敗謀之法 戰國魏武侯問吳起曰有師甚衆據險高壘守以強弩退如山移進如風雨糧食又多不能長久則如之何起曰車騎步徒分軍五衢敵人必惑莫知所如敵若堅守急行間諜以觀計謀彼聽吾說解軍而去不聽吾說吾軍疾戰勝而勿追不勝疾歸或伴北安行設伏疾鬪一結其後一絕其路兩軍銜枚或左或右而襲其處吾軍交至必有其利又問曰谿谷險阻與敵相逢彼衆我寡則如之何起曰息而待之持弓滿弩且備且慮亂則擊之勿疑理則退後隨之凡過山谷邱陵亟行勿留高山深谷卒然遇敵必先鼓譟乘之又問曰左右高山地甚隘狹卒逢敵人擊之不敢去之不得爲之奈何起曰此爲谷戰勇者雖衆勿用寡吾材士與敵相當輕足利刃以爲前行分車列騎退隱四方且拒且去乘勢不滅敵若堅陣行山列

營應須更圖又問曰敵近而薄我我無道路我衆甚懼爲之奈何對曰爲此之術我衆彼寡參分而裹之彼衆我寡合陣從之又問曰若暴寇近薄驅我馬牛取我禾稼爲之奈何對曰寇暴之至善守而勿應彼將暮去其裝必重其心必恐退還務速必有不屬追而擊之其兵必散雖衆可破也

自戰其地則敗

春秋時鄭人軍於蒲騷音蕭將與隨絞州蓼伐楚師楚將屈瑕病之大夫鬬廉曰鄭人軍其郊必不誠且日虞四邑

之至虞度也四邑隨絞州蓼也君次於郊郢以禦四邑君謂屈瑕也我以銳師宵加於鄭鄭有虞心而恃其城恃其城近城莫有鬪志

若敗鄭師四邑必離從之遂敗鄭師於蒲騷周末吳子問孫武曰散地士卒顧家不可與戰則必固守固守不

出敵攻我小城掠吾田野禁吾樵采塞吾要道待吾空虛而急來攻則如之何武曰敵人深入吾都多背城邑士

卒以軍爲家專志輕鬪吾兵在國安土懷生以陣則不堅以鬪則不勝當集人衆聚穀蓄帛保城避險遣輕兵絕

其糧道彼挑戰不得轉輸不至野無所掠三軍困餒而誘之可以有功若欲戰必因勢勢者依險設伏無險則隱

於天陰晦昏霧出其不意襲其懈怠後魏太武帝親征後燕將慕容德於鄴戰前軍敗績德又欲攻之別駕韓

諲進曰今魏不可擊者四燕不宜動者三魏懸軍遠入利在野戰一不可擊也深入近畿致兵死地二不可擊也

前鋒旣敗後陣方固三不可擊也彼衆我寡四不可擊也官軍自戰其地一不宜動動而不勝衆心不固二不宜

動墮池未修敵來無備三不宜動此皆兵機也深溝高壘以逸待勞彼千里饋糧野無所掠久則三軍靡費攻則

士衆多斃師老聲生詳而圖之可以捷也德曰韓別駕之言良平之策也

據險隘

周末吳子問孫武曰敵人保據山險常利而處之糧食又足挑之則不出乘間則使掠爲之奈何武曰分兵守要
謹備勿懈潛探其情密候其怠以利誘之禁其牧采久無所得自然變改待離其固奪其所愛敵據險隘我能破
之也 後漢末曹公使夏侯妙才張郃屯漢中蜀先主進兵漢中次於陽平關南渡沔水沿山稍前於是定軍勢
作營妙才將兵來爭其地先主命黃忠乘高鼓噪攻之大破妙才軍斬妙才曹公自長安南征先主遙策之曰曹
公雖來無能爲也我必有漢川矣及曹公至先主斂衆據險終不交鋒積日不戰兵士亡者多曹公果引軍退還
先主遂有漢中 魏將曹爽之伐蜀司馬景王同行出駱谷次於興元蜀將王林夜襲景王營堅臥不動林退景
王謂諸將曰費禪已據險拒守不獲戰攻之不可宜亟紀力反還軍以爲後圖爽等引退禪果馳兵趣三嶺爭險乃
得過 東晉末大將宋武帝討南燕慕容超超召羣臣議拒晉師大將公孫五樓曰吳兵輕果所利在速戰初鋒
勇銳不可爭也宜據大峴使不得入曠日延時阻其銳氣徐簡精騎二千循海而南絕其糧運別勅段暉率兗州
之軍緣山東下腹背擊之上策也各命守宰依險自校其資儲之外餘悉焚蕩芟除粟苗使敵無所資堅壁清野
以待其弊中策也縱賊入峴出城逆戰下策也超曰吾京都殷盛戶口衆多未可以一時入守青苗布野非可卒
芟設使芟苗城守以全性命朕所不能今據五州之強帶山河之固戰車萬乘鐵馬萬羣縱令過峴至於平地徐
以精騎踐之此成擒也其將慕容鎮曰若如聖旨必須平原用馬爲便宜出峴逆戰戰而不勝猶可退守不宜縱
敵入峴自貽窘逼昔成安君不守井陘之險終屈於韓信諸葛瞻不據東馬之險卒擒於鄧艾以爲天時不如地
利但守大峴策之上也超又不從晉乃攝莒梁父二戍修城隍簡士馬蓄銳以待之其夏晉師次東莞超遣其左
軍段暉等步騎五萬進據臨朐俄而晉師度峴慕容超懼率兵四萬就段暉等於臨朐戰敗超奔還廣固朱武圍

廣固數月而拔齊地悉平矣

塞險則勝否則敗

春秋時蔡侯吳子唐侯伐楚舍舟於淮汭自豫章與楚夾漢豫章漢東北地名楚左司馬沈尹戌謂楚將子常曰子沿漢

而與之上下沿緣也緣漢上我悉方城外以毀其舟以方城外人所舍舟還塞大隧直轅冥阨三者漢東之隘子濟漢而

伐之我自後擊之必大敗之既謀而行楚大夫武城黑謂子常曰吳用木也我用革也用革不可久也不如速戰

大夫史皇謂子常曰楚人惡子而好司馬若司馬毀吳舟於淮塞城口而入城口三隘是獨克吳也子必速戰不

然不免乃濟漢而陣自小別至於大別禹貢漢水至大別南入江三戰子常知不可欲奔知吳不史皇曰安求其

事求知事難而逃之將何所入子必死之子常違左司馬漢時匈奴呼韓邪單于來朝元帝以後宮良家子王嬙

黯字昭君賜單于單于歡喜上書願保塞上谷以西至燉煌請罷邊備以休天子人民帝下有司議郎中侯應上

言以為不可其略曰自周秦漢興以來匈奴寇掠甚矣其北邊有陰山東西二千餘里本冒頓單于依阻其中至

孝武帝出師征伐斥奪此地壤之於漠北建塞徼起亭隧築外城設屯戍以守之然後邊境少安夫夷狄之情困

則卑順強則驕逆天性然也前已罷外城省亭隧今纔足以候視通烽火而已安不忘危不可復罷且中國尙建

關梁以制諸侯所以絕臣下之覬欲起塞以來百有餘年非皆以土垣城因山巖石木柴殭落谿谷水門卒徒築

理功費久遠不可勝計今欲以一切省徭戍十年之外卒有他變障塞破壞亭隧滅絕當更發屯繕理累世之功

不可卒復非所以永持至安威制百蠻之長策也帝納之具在邊防後魏遣將伐後燕慕容寶已平并州潞川

頻勝寶在中山引羣臣議之中山尹符謨曰魏軍強盛千里轉鬬乘勝而來勇氣兼倍若逸騎平原形勢彌盛殆

難爲敵宜杜險拒之中書令

反

曰魏軍多騎師剽銳馬上齎糧不過旬月宜令郡縣聚千家爲一堡深溝

高壘清野待之至無所掠資食既罄不過六旬自然窮退尙書封懿曰今魏師十萬天下之勍敵也百姓雖欲營

聚不足自固是則聚糧集兵以資強寇且又動衆心示之以弱阻關拒戰計之上也慕容麟曰魏今乘勝氣銳其

鋒不可當宜完守設備待其弊而乘之於是修城積粟爲持久之備魏攻中山不尅進據博陵魯口諸將觀風奔

退郡縣悉降於魏

魏遣塞險之計故敗

大唐武德中太宗圍王充於東都王充勢窮竄建德自河北來救諸將及蕭瑀等

咸請且退師避之太宗不許曰王充糧盡內外離心我當不勞攻擊坐收其弊耳建德新破孟海公將驕卒情今

我據武牢扼其襟要若賊恃盛冒險爭鋒吾當攻之必矣賊若不戰旬日之間王充自潰彼敗我振兵足以臨之

矣一行兩定在於斯舉若不速進賊入武牢諸城新附必不能守二賊并力將若之何秦府記室薛收進曰王充

據東都府庫填積所患者在於乏食是以爲我所持建德總十餘萬衆來拒王師亦當盡彼驕雄期於速戰若縱

其兩寇相連轉河北之積以相資給則伊洛間戰鬪不已大王今欲親率猛銳先據成臯之險訓兵坐甲當彼疲

弊之衆一戰必尅建德破則王充自下不過數旬二國之君可面縛麾下蕭瑀等奈何遂請退兵太宗曰善而從

之留齊王元吉圍王充親率三千五百人趨武牢守之不與戰相持二十餘日五月建德謀伺官軍獨盡牧馬於

河北必將襲武牢太宗聞之遂牧馬千餘匹於河渚間以誘之詰朝建德果悉衆而至陣於汜水東太宗候其陣

久卒饑令宇文士及率騎經賊陣之西馳而南上賊陣動因而諸軍奮擊之大潰竟如太宗本策

死地勿攻

周末吳子問孫武曰吾師出境軍於敵人之地敵人大至圍我數重欲突以出四塞不通欲勵士激衆使之投命

潰圍則如之何武曰深溝高壘示爲守備安靜勿動以隱吾能告令三軍示不得已殺牛燔車以饗我士燒盡糧食填夷井竈割髮捐寇絕去生慮將無餘謀士有死志於是砥甲礪刃并氣一力或攻兩傍震鼓疾譟敵人亦懼莫知所當銳卒分行疾攻其後此是失道而求生故曰困而不謀者窮窮而不戰者亡吳子曰若吾圍敵則如之何武曰山谷峻險難以踰越謂之窮寇擊之之法伏卒隱廬開其去道示其走路求生透出必無鬪意因而擊之雖衆必破又問曰吾在死地糧道已絕敵伏吾險進退不得則如之何武曰燔吾蓄積盡我餘財激士勵衆使無生慮鼓呼而衝進而勿顧決命爭強死而須鬪若敵在死地士卒氣勇欲擊之法順而勿抗陰守其利絕其糧道恐有奇伏隱而不覩使吾弓弩俱守其所漢王遣將韓信擊趙未至井陘口三十里止舍夜半傳發傳令軍中使發也

選輕騎二千人持一赤幟從間消草山

軍音嚴俠山自程嚴也

而觀趙軍誠曰趙見我走必空壁逐我汝疾入趙壁拔趙

幟立漢赤幟令其裨將傅殽曰今日破趙會食信乃使萬人先行出背水陣趙軍遙見而大笑平旦信建大將之旗鼓行出井陘口趙開壁擊之大戰良久於是信走水上軍趙軍空壁逐信信已入水上軍軍皆殊死戰不可敗信所出奇兵二千騎馳入趙壁皆拔趙幟立漢赤幟趙軍攻信既不得還壁見漢幟大驚遂亂遁走於是漢兵夾擊大破虜趙軍斬陳餘泚音退水上擒趙王歇諸將因問信曰兵法右背山陵前左水澤今者將軍令臣等反背水陣曰破趙會食臣等不服然竟以勝此何術也信曰此在兵法顧諸君不察耳兵法不曰陷之死地而後生置之亡地而後存且信非得素拊循士大夫也拊乎武反此所謂驅市人而戰其勢非置之死地使人人自爲戰今與之生地皆走寧尙可得而用之乎諸將皆服曰非所及也十六國後涼呂光遣二子紹纂伐段業南涼禿髮烏孤遣其弟鹿孤及楊軌救業紹以業等軍盛欲三門關挾山而東纂曰挾山示弱取敗之道不如結陣衝之彼必憚我

而不戰也紹乃引軍而南業將擊之其將沮渠蒙遜諫曰楊軌恃虜騎之強有覬覦之志紹纂兵在死地必決戰求生戰則有泰山之安不戰則有累卵之危業曰卿言是也乃按兵不戰紹亦難之各引兵歸敗梁悟梁將陳

慶之守濡陽城與後魏軍相持自春至冬數千百戰師老氣衰魏之援兵復欲築壘於軍後諸將恐腹背受敵議

退師慶之曰共來至此涉歷一歲靡費糧仗其數極多諸君並無闕心皆謀退縮豈是欲立功名直聚爲抄暴耳

吾聞置兵死地乃可求生須虜圍合然後與戰必捷諸將壯其計從之魏人犄角作十三城慶之銜枚夜出陷其

四壘所餘九城兵甲猶盛乃陳其俘馘鼓吹而攻遂大奔潰斬獲略盡矣後魏末齊神武興義兵於河北時爾

朱兆等四將兵馬號二十萬夾洹音水而軍時神武士馬不滿三萬以衆寡不敵遂於韓陵山爲圓陳繫牛驢以

塞道於是將士皆死戰四面奮擊大破之齊神武兵少天光等兵十倍圍而缺之神武因自塞其缺士皆有必死之志是以破敵也南齊北豫州刺史司馬

消難請降後周將楊忠與柱國達奚武據之於是共率騎士五千人各乘馬一匹從間道馳入齊境五百里前後

遣三使報消難而皆不返命去北豫州三十里武疑有變欲還忠曰有進死無退生獨以千騎夜趣城下四面峭

絕徒聞擊柝之聲武親來摩數百騎以西忠勒餘騎不動候門開而入乃馳遣召武時齊鎮城將伏敬遠勒甲士

二千人據東陣舉烽嚴警武憚之不欲保城乃多取財帛以消難及其屬先歸忠以三千騎爲殿到洛南皆解鞍

而臥齊衆來追至於河北忠謂將士曰但飽食今在死地賊必不敢渡水以當吾鋒食畢齊兵伴若渡水忠馳將

擊之齊兵不敢逼遂徐引而還大唐衛公李靖兵法曰若敵人在死地無可依固糧食已盡救兵不至謂之窮

寇擊此之法必開其去道勿使有闕心雖衆可破當精騎分塞要道輕兵進而誘之陣而勿戰敗謀之法也

總論其地形附

大唐衛公李靖兵法曰軍志云失地之利士卒迷惑三軍困敗饑餓勞逸地利爲寶不其然矣是以彼此俱利之地則讓而設伏趨其所愛而傍襲之彼此不利之地則引而佯去待其半出而邀擊之平易之所則率騎而與陣險隘之處則勵步以及徒往易歸難左險右阻沮洳幽穢垣堦溝瀆此車之害地也有入無出長驅迴驅大阜深谷灣泥塹澤此騎之敗地也候視相及限壑分川斯可以縱弓弩聲塵既接深休盛薄斯可以奮矛鉞蘆葦深草則必用風火蔣濟翳蒼則必率其伏平坦則方布汚斜則圓形左右俱高則張翼後高前下則銳衝凡戰之道以地形爲主虛實爲佐變化爲輔不可專守險以求勝也仍須節之以金鼓變之以權宜用逸待勞掩遲爲疾不明地利其敗不旋踵矣或有進師行軍不因鄉導陷於危敗爲敵所制左咎右山東馬懸車之逕前窮後絕雁行魚貫之嚴兵陣未整而強敵忽臨進無所憑退無所固求戰不得自守莫安住則日月稽留動則首尾受敵野無水草軍乏資糧馬困人疲知窮力竭一人守隘萬夫莫向如彼要害敵先據之如此之利我已知守縱有驍兵利器亦何以施其用事至於此可不慎之哉若此死地疾戰則存不戰則亡當須上下同心併氣一力抽腸瀝血一死一前因敗爲功轉禍爲福矣

已具前篇吳子孫武問答語中

勵士決戰

兵者凶器不得已而用之戰者危事亦不必常勝若非激勵無以成功今故附於死地勿攻之後他皆類此也

昔周武王將伐紂問太公曰若今敵人圍我斷後絕糧吾欲徐以爲陣以敗爲勝奈何太公曰不可此天下之困兵也暴用之則勝徐用之則敗可爲四衝陣以驍騎驚其君親左軍疾右軍迭前迭後往敵之空吾軍疾擊鼓呼而當又問曰敵疏其陣又遠其後跳我流矢以弱我弓弩勞我士卒爲之奈何太公曰發我銳士先擊其前車騎獵其左右引而分隊以隨其後三軍疾戰凡以少擊衆避之於易要之於險避之以晝取之於夜故曰以一擊十

莫善於阨以十擊百莫善於險以千擊萬莫善於阻用衆者務易用少者務阨也 戰國秦圍趙邯鄲急且降平

原君甚患之邯鄲傳舍子李同說平原君曰君不憂趙亡邪平原君曰趙亡則勝爲虜何爲不憂乎李同曰邯鄲之民炊骨易子而食可謂急矣而君之後宮以百數婢妾被綺縠餘糧肉而人褐衣不完糟糠不厭或剡木爲矛矢而君器物鐘磬自若使秦破趙君安得有此使趙得全君何患無有今君誠能令夫人以下編於士卒之間分功而作家之所有盡散以饗士士方其危苦時易德耳於是平原君從之得敢死之士三千人李同遂與之赴秦軍秦軍爲之卻三十里會魏信陵君以師來救秦軍遂退 戰國齊上將田單率師將攻狄魯仲連子曰將軍攻狄必不能下矣單曰吾以破亡餘卒破萬乘之燕今攻狄而不能下何也上車不謝而去遂攻狄三月不克齊嬰兒謠曰大冠若箕修劍拄頤攻狄不能下壘枯邱單乃懼問魯仲連子對曰將軍在卽墨之時坐則織簣立則杖插爲士卒倡當此之時將軍有死之心而士卒無生之志聞言莫不掩泣奮臂而欲戰此所以破燕也當今將軍東有夜邑之封西有淄上之實足以樂生而惡死此之所以不勝也田單明日結髮厲氣立於矢石之間引枹而鼓之狄人乃下 秦末秦軍攻趙項羽救之引兵渡河皆沈船破釜燒廬舍持三日糧以示必死無一還心於是至則圍秦將王離九戰絕其甬道大破虜王離當是時楚兵冠諸侯諸侯軍救鉅鹿下者十餘壁皆莫敢縱及楚擊秦將離侯皆登壁上觀楚戰士無不一當十楚兵呼聲動天地諸侯軍無不人人惴惴恐 後漢將吳漢率兵圍蘇茂於廣樂劉永將周建來救漢將輕騎迎戰不利墮馬傷膝還營諸將謂漢曰大敵在前而公傷臥衆心懼矣漢乃勃然裹瘡而起椎牛饗士令軍中曰賊衆雖多皆劫掠羣盜勝不相讓敗不相救非其仗節死義者也今日封侯之秋諸君勉之於是軍士激怒人倍其氣明日建茂合兵圍漢漢選四部精兵三千餘人齊鼓而進

建軍大潰還奔城漢長驅追擊大破之 十六國前秦苻堅將王猛討前燕慕容暉遣將慕容評屯於潞川以

拒之猛與評相持遣裨將郭慶之以銳卒五千夜從間道出評營後傍山起火燒其輜重暉懼遣使讓評催之速

戰猛知評賣水鬻薪有可乘之會評又求戰乃陳於潞原而誓衆曰今與諸軍深入賊地宜各勉進不可退也願

戮力行間以報恩顧受爵明君之朝慶觴父母之室不亦美乎衆皆勇奮破釜棄糧大呼競進猛觀評師之衆惡

之謂鄧羌曰今日之事非將軍莫可以捷將軍其勉之羌曰若以司隸見與者公無以爲憂猛曰此非吾之所及

必以本郡太守萬戶侯相處羌不悅而退俄而兵交猛召之羌寢而不應猛馳就許之羌於是大飲帳中與張蚝

徐成等並大跨馬運矛馳入評軍出入數四傍若無人軍旗斬將殺傷甚衆戰及日中大敗評衆俘斬五萬 十

六國前秦苻健爲姚萇所殺苻生率兵伐姚萇皆刻鋒鎧爲死休字示以戰死爲志每戰以長稍句刃爲方圓大

陣知其厚薄從中分配故人自爲戰所向無前 東晉末宋武帝作相舉兵伐後秦姚泓以王鎮惡爲前鋒軍至

渭橋鎮惡所乘皆蒙衝小艦鎮惡登岸渭水流急倏忽聞諸艦悉逐流去時泓屯軍在長安城下猶數萬人鎮惡

撫慰士卒曰卿諸人並家在江南此是長安城北門外去家萬里而舫乘衣糧並已逐流去豈復有求生之計邪

唯宜死戰可以立大功不然則無遺類耳乃身先士卒衆亦知無復退路莫不騰踴爭先泓衆一時奔潰卽陷長

安城 隋時突厥入寇隋將楊素擊之先是諸將與虜戰每慮胡騎奔突皆戎車步騎相參昇鹿角爲方陣騎在

其內素謂人曰此乃自固之道非取勝之方也於是悉除舊法令諸軍爲騎陣突厥達頭可汗聞之大喜率精騎

十餘萬而至素奮擊大破之素多權略乘機赴敵應變無方然大抵馭戎嚴整有犯軍令者立斬之無所寬貸每

將臨寇求人過失而斬之多者百餘人少不下十數流血盈前言笑自若及其對陣先令一二百人赴敵陷陣而

還者則已如不能陷陣而還者無問多少悉斬之又令二三百人復進還如向法將士股慄有必死之心由是戰無不勝時稱名將

衆寡勢百相懸勵士攻其師

王莽未劉伯升起兵光武守昆陽莽將王尋王邑來討兵號百萬先至昆陽已十萬圍數重時伯升已拔宛三日而光武尙未知及僞使持書報城中云宛下兵到而佯墮其書尋邑得之不意諸將既經累捷膽氣益壯無不一當百光武乃與敢死者三千人從城西水上衝其中堅尋邑陣亂乘勢崩之遂殺王尋城中亦鼓噪而出中外合勢震呼動天莽兵大潰走者相騰踐

乘卒初銳用之

劉項爭天下之際漢王至南鄭諸將及士卒皆歌思歸韓信說漢王曰項羽王諸將之有功者而王獨居南鄭是遷也軍吏士卒皆山東之人日夜跼而思歸及其銳而用之可以有大功天下已定人皆自寧不可復用不如決策東向爭權天下漢王從之終滅項籍後周末隋文帝作相遣將于仲文先以兵定關東破尉遲迥將檀讓初仲文在蓼隄諸將皆曰軍自遠來士馬疲弊不可決勝仲文令三軍趣食列陣大戰既而破賊諸將皆請曰前兵疲不可交戰竟而克勝其計安在仲文笑曰吾所部將士皆山東人果於進不宜持久乘勢擊之所以制勝諸將皆以爲非所及也

激怒其衆

春秋時晉侯逆秦師使大夫韓簡視師復曰師少於我闕士倍我公曰何故對曰出因其資

謂奔突入用其寵爲衆

饑食其粟三施而無報是以來也今又擊之我急秦奮倍猶未也壬戌戰於韓原晉戎馬還澤而止旋也小國不

圖故秦伯獲晉侯以歸晉曲而意樂直春秋時楚子伐隨軍於漢淮之間隨將季梁謂隨侯曰請下之弗許

而後戰服下之請所以怒我而怠寇也隨少師曰必速戰不然將失楚師隨侯禦之戰於速杞隨師敗績若用季梁之謀則勝

矣戰國燕將騎劫攻齊卽墨齊將田單拒守妄宣言曰吾唯懼燕軍之剿所得齊卒置之前行與我戰卽墨敗

矣燕人聞之如其言城中人見齊諸降者盡剿皆怒堅守唯恐見得田單又縱反間曰吾懼燕人掘吾城外塚墓

戮先人可爲寒心燕軍盡掘塚墓燒死人卽墨人從城上遙見皆涕泣其欲出戰怒皆十倍大敗燕師後漢度

尙爲荊州刺史討桂陽賊渠帥卜陽潘鴻等從入山谷尙窮追數百里遂入南海破其三屯多獲珍寶而陽鴻等

黨衆猶盛尙欲攻之而士卒驕富莫有鬪心尙計緩之則不戰逼之必逃亡乃宣言卜陽潘鴻作賊十年習於攻

守今兵寡少未易可進當須諸郡所發悉至乃併力攻之申令軍中恣聽射獵士喜悅大小皆相與從禽尙乃密

使所親客潛焚其營珍積皆盡獵者來還莫不涕泣人人慰勞深自咎責因曰卜陽等財寶足富數代諸卿但不

併力耳所亡小小何足介意衆咸憤踊尙乃令秣馬蓐食明晨徑赴賊屯陽鴻等自以深固不復設備吏士乘銳

大破平之

通典卷一百五十九終